

___1. გამოყენების სფერო ___

1.1 წინამდებარე შიდა საჩივრების განხილვის სისტემის წესები ("წესები") უზრუნველყოფს საჩივრების ("საჩივრების") განხილვას, ჩარჩო რეგულაციის [\(EU\) 2022/2065 \("DSA რეგულაცია"\)](#) და [რეგულაცია \(EU\) 2019/1150 -ის \("P2B რეგულაცია"\)](#) შესაბამისად. Bolt-ი წინამდებარე წესების თანახმად წარმოდგენილია, როგორც Bolt Operations OÜ, (რეესტრის კოდი 14532901), რეგისტრირებული ოფისი Vana-Lõuna tn 15, Tallinn 10134, ესტონეთის რესპუბლიკა, ან მისი შვილობილი კომპანიები („Bolt“) ევროკავშირის წევრ ქვეყანაში ან ევროპის ეკონომიკური ზონაში.

___2. საჩივრების საფუძველი ___

2.1 ბოლტი წინამდებარე წესების თანახმად განიხილავს წარდგენილ საჩივარს, თუ საჩივარი ეხება შემდეგ საკითხებს:

2.1.1 სავარაუდო P2B რეგულაციით განსაზღვრული წესების შეუსრულებლობას, რომელიც გავლენას ახდენს იმ Bolt პლატფორმის ბიზნეს მომხმარებელზე, რომელმაც საჩივარი წარადგინა; ან

2.1.2 ტექნოლოგიური საკითხები, რომლებიც უშუალოდ ეხება ონლაინ შუამავლობას სერვისების მიწოდებასთან დაკავშირებით და რომელიც გავლენას ახდენს იმ Bolt პლატფორმის ბიზნეს მომხმარებელზე, რომელმაც საჩივარი წარადგინა; ან

2.1.3 Bolt-ის მიერ მიღებული ზომები ან ქცევა, რომლებიც უშუალოდ ეხება ონლაინ შუამავლობას სერვისების მიწოდებასთან დაკავშირებით და რომელიც გავლენას ახდენს იმ Bolt პლატფორმის ბიზნეს მომხმარებელზე, რომელმაც საჩივარი წარადგინა;

2.1.4 Bolt-ის გადაწყვეტილებები Bolt-ის პლატფორმის მომხმარებლების მიმართ (მათ შორის, ბიზნეს მომხმარებლები) ეფუძნება:

(i) თავად Bolt-ის მიერ აღმოჩენილ ან იდენტიფიცირებულ ინფორმაციას; ან

(ii) Bolt-ის პლატფორმის მომხმარებლების შეტყობინებებს, ან

(iii) ფიზიკურ ან იურიდიული პირების შეტყობინებებს, რომლებიც არ იყენებენ Bolt-ის პლატფორმას, უკანონო ქმედების შინაარსთან დაკავშირებით bolt-მა უნდა მიიღოს გადაწყვეტილებები :

2.1.4.1 გააუქმოს თუ არა Bolt-ის პლატფორმაზე არსებული ინფორმაციის ხილვადობა ან შეზღუდოს წვდომა;

2.1.4.2 შეაჩეროს თუ არა Bolt პლატფორმის მეშვეობით ხელმისაწვდომი სერვისის მიწოდება მთლიანად ან ნაწილობრივ Bolt პლატფორმის მომხმარებლებისთვის;

2.1.4.3 შეაჩეროს თუ არა Bolt პლატფორმის მომხმარებლების ანგარიში ან სრულად შეწყვიტოს კონტრაქტი Bolt პლატფორმის მომხმარებელთან;

2.1.4.4 შეაჩეროს, შეწყვიტოს ან სხვაგვარად შეზღუდოს Bolt პლატფორმის მომხმარებლების მიერ მოწოდებული ინფორმაციის მონეტიზაციის შესაძლებლობა.

2.2 ბოლტი არ არის ვალდებული განიხილოს საჩივარი წინამდებარე წესების შესაბამისად, თუ შეტანილი საჩივარი:

2.2.1 აშკარად უსაფუძვლოა, მათ შორის როდესაც მომჩივანი არ მოქმედებს კეთილსინდისიერად ან როდესაც საჩივარი აშკარად ფიქტიური, არასერიოზული ან შეურაცხმყოფელია;

2.2.2 წარმოადგენს ახალ საჩივარს იმავე მომჩივანთან და იმავე საკითხთან დაკავშირებით, რომელიც უკვე განიხილა ბოლტის მიერ წინამდებარე წესების შესაბამისად;

2.2.3 წერილი წარდგენილია 6 თვის შემდეგ იმ დღიდან, როდესაც მომჩივანმა პირველად შეიტყო ან გონივრულია რომ უნდა სცოდნოდა საჩივრის გამომწვევი გარემოებების შესახებ.

3. ბოლტის მიერ საჩივრის დამუშავება

3.1 ბოლტი ადასტურებს საჩივრის მიღებას მიღებიდან 10 სამუშაო დღის განმავლობაში.

3.2 Bolt მიზნად ისახავს საჩივრის დამუშავების დასრულებას და გადაწყვეტილების მიღებას საჩივრის მიღებიდან 30 დღის ვადაში („დამუშავების პერიოდი“), გარდა იმ შემთხვევისა, როდესაც საკითხის სირთულის გამო მოითხოვს დანესებული დროის გახანგრძლივებას. მომჩივანს ეცნობება დამუშავების პერიოდის დროის გახანგრძლივებისა და ასეთი გახანგრძლივების მიზეზების შესახებ.

3.3 დამუშავების პერიოდის ვადა ჩერდება იმ პერიოდში, როდესაც:

3.3.1 ბოლტმა მომჩივანს მოითხოვა დამატებითი ინფორმაცია და დოკუმენტები, რომლებიც აუცილებელია საჩივრის შესაფასებლად;

3.3.2 ბოლტმა და მომჩივანმა დაიწყეს მცდელობა პრობლემის მოლაპარაკებით გადაწყვეტის შესახებ.

3.4 თუ ბოლტი სრულად ან ნაწილობრივ უარყოფს საჩივარს, მან წერილობით და გონივრულ ვადაში დეტალურად უნდა წარმოადგინოს მისი გადაწყვეტილების მიზეზები და აცნობოს მომჩივანს საკითხის შუამავლობის/გარესასამართლო დავების გადაწყვეტის უფლების შესახებ.

4. მედიაცია და დავის სასამართლოს გარეშე გადაწყვეტა

4.1 მომჩივანს, რომელიც უკმაყოფილოა ამ წესების მიხედვით მიღებული გადაწყვეტილებით და/ან ბოლტის პროგრესით წინამდებარე წესების თანახმად წარდგენილი საჩივრის დამუშავებისა და გადაწყვეტის პროცესში, შეუძლია მიმართოს :

4.1.1 ერთ-ერთი ადვოკატს, რომელიც ესტონეთის ადვოკატთა ასოციაციამ ოფიციალურად [აღიარა მედიატორად](#); ან

4.1.2 დავის სასამართლო გარეშე გადაწყვეტისთვის განკუთვნილ ნებისმიერ სერტიფიცირებულ ორგანოს.

5. საბოლოო დებულებები

5.1 ეს წესები, მათ შორის ბოლტის მიერ საჩივრის გადაწყვეტის ნებისმიერი მცდელობა ან შუამავლობით/არა-სასამართლო დავის გადაწყვეტის გზით შეთანხმების მიღწევა, არ იმოქმედებს მომჩივნისა და ბოლტის უფლებებზე, დაიწყოს სასამართლო წარმოება ნებისმიერ დროს, მათ შორის, ბოლტის მიერ საჩივრის გადაწყვეტის პროცესში, მედიაციის პროცესში ან მას შემდეგ.